

INUIT ATAQATIGIIT INATSISARTUNI



UKA 2026/122
04. juni 2026
Ane Hansen

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara: Akileraarutip apparneqarnissaanik pillugu apeqquteqaat aallaavigulugu oqallinnissamik siunnersuut.

(Inatsisartunut ilaasortaq Aqqalu C. Jerimiassen, Atassut)

Siullermik Inatsisartunut ilaasortap Aqqalu C. Jerimiassen Atassut apeqquteqaat aallaavigalugu oqallisissianut qujanaq.

Inuit Ataqtigiiit tungaviumik anguniagaraat innuttaasut naligiinnerusumik aningaasaqarnikkut atugassaqartinneqarnissaat, Taamammatt qinigaaffiup uumma siuliani aallartittumik akilerartarnikkut iluarsaaqqinneq aallartinneqarpoq maannalu inarsarnissaa siunertaralugu sulisoqarluni.

Siorna assersuutigalugu pisiassat akitsuutaat qineqqusarnermi neriorsuutigineqartut amerlanerpaat piarneqarput, naak nunarsuarmi sorsunneq pissutigalugu akit qaffariarujussuarnerisa nalaammattut malunniutaat neritutigisamiit annikinnerugaluartut taamaattoq oqarsinnaavugut akitsuutit piarneqarsimannikkaluarpata nioqqutissat sulii akisunerusimasinnaanerigaluarnerinut iluaqutaapput.

Tamatuma saniatigut inuutissarsiortut suleqatigalugit nunatta iluani aningaasat iluaqutaasumik kaaviarnissaat sulissutigineqarluni.

Aammalu nunatsinnut sivikittumik suliarortartunut assersuutigalugu akeqangittumik ineqartitsisarnerit misissuiffigineqarput.

Inuit Ataqtigiiit sulissutiguassuaat piitsuussutsip aningaasaqarnikkullu naligiingissutsip akiorniartuarnissaa, ingammik ilaqutariit meerartallit aamma eqqarsaatigalugit.

Inuit Ataqtigiiit eqqartorusutaannut aamma ilaavoq ilaqutariit meeqqiortut akilerartarnikkut oqilisaaffigineqarsinnaaneratt. Inuit Ataqtigiiit aamma sulissutigivaat allaffissornikkut iluarsaaqqinneq pisariinnerusumik aningaasartuutikinnerusumillu allaffissorsinnaaneq angujumallugu. Inuit Ataqtigiiit aamma qaqittagaannut ilaavoq akileraarutip kommunini tamani assigiilersinneqarsinnaaneratt naligiinnerusumik atugassaqartitaanissaq siunertarlugu.

Oqallisissiamik siunnersuuteqartup qaqitaanut ilaavoq akilerartarnermi iluarsaaqqinnermi suliat ilaat SUILA tapimut tungasoq. Inuit Ataqtiiinnit soqutigivarput SUILA tapit siunertarisaminut iluaqutaanersoq nalilersoqqissallugu.

INUIT ATAQATIGIIT INATSISARTUNI



Maanna meeqquerivinni, utoqqaat illuini suliffeqarfinnilu allani SUILA tapisarneq sulisussaaleqinermi ajornartorsiutaasutut tikkuarneqartarnera allatut pisariinnerusumik iluarseeqqissinnaaneq oqaloqatigiissutissatut qaqikkusupparput.

Atassummi akilerartarnikkut periuseq pisariinnerpaatut tikkuarneqartoq "Flat tax" pisariittutut oqaatigineqarinnaagaluartoq sunniutissai pissatinnerusunut akisunerusussaammata Inuit Ataqaigiinni orniginartuutinngilarput, kisianni oqaloqatigiinikkut akileraariatsimik pisariittumik nassarniaqatigiissinnaaneq aammaffigalugu.

Taamatut oqaaseqarlut oqallisissiortoq Aqqalu C. Jeremiassen oqallisissianut soqutiginartumut qutsavigeqqippara.